



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKI NAČELNIK**

Broj:02-11-3-4547-16/22

Datum: 25.01.2023.godine

Na osnovu člana 70. stav 1. i stav 4. a u vezi sa članom 69. stav 3. Zakona o javnim nabavkama Bosne i Hercegovine ("Službeni glasnik BiH", broj: 39/14), Općinski načelnik, donosi:

**ODLUKU**

o otkazivanju postupka javne nabavke

**I**

Otkazuje se postupak javne nabavke roba "Bazne informatičke opreme" koji je objavljen na Portalu javnih nabavki dana 21.12.2022.godine pod brojem: 375-7-1-282-3-96/22.

**II**

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

**III**

Ova odluka objavit će se na web-stranici Općine Tešanj [www.opcina-tesanj.ba](http://www.opcina-tesanj.ba), shodno članu 70. stav 6. Zakona o javnim nabavkama.

**Obrazloženje**

Postupak javne nabavke roba, "Bazne informatičke opreme" pokrenut je Odlukom o pokretanju postupka broj:02-11-3-4547-2/22 od 19.12.2022.godine. Odabran je konkurentski zahtjev za dostavu ponuda sa podjelom na lotove (2 lota), koji je objavljen na Portalu javnih nabavki dana 21.12.2022.godine pod brojem: 375-7-1-282-3-96/22, procijenjena vrijednost javne nabavke bez PDV-a je 30.000,00KM a kriterij za dodjelu ugovora je najniža cijena.

Tenderskom dokumentacijom predviđeno je otvaranje ponuda za dan 10.01.2023.godine, do roka otvaranja ponuda pristigle su 4 (četiri) ponude i to: ponuda ITD doo Sarajevo, ponuda NEXIS doo Sarajevo, ponuda INTER COM doo Zenica i ponuda ASCOM doo Tešanj. Lice koje vodi postupak javne nabavke iz sistema sa Portala javnih nabavki povuklo Izvještaj o preuzimanju tenderske dokumentacije od strane ponuđača dana 10.01.2023.godine u 09:14 sati te utvrdilo da potencijalni ponuđač ITD doo Sarajevo tendersku dokumentaciju nije podigao sa Portala javnih nabavki. Na zapisniku o Zaprimanju ponuda od 10.01.2023.godine kao i na Zapisniku sa otvaranja ponuda od 10.01.2023.godine evidentirano je za ponudu potencijalnog ponuđača ITD doo Sarajevo da se smatra kao da nije ni pristigla, jer je provjerom na Izvještaju o preuzimanju tenderskih dokumentacija od 10.01.2023.godine utvrđeno da tenderska dokumentacija nije preuzeta od strane ponuđača sa portala javnih nabavki, a tačkom 2.3. tenderske dokumentacije je propisano da "Ponude koje budu dostavljene a tenderska dokumentacija ne bude preuzeta putem informacionom sistemu "E-NABAVKE" (što je vidljivo iz Izvještaja o preuzetim tenderskim dokumentacijama koji se skida sa informacionog sistema "E-NABAVKE"), neće biti predmet postupka javne nabavke, iste će biti vraćene ponuđačima neotvorene, i smatrat će se kao da nisu ni pristigle".

Komisija za javne nabavke imenovana Rješenjem općinskog Načelnika broj:02-11-3-4547-5/22 od 27.12.2022.godine je dana 10.01.2023.godine u 11:00 sati kako je i predviđeno tenderskom dokumentacijom otvorila 3 (tri) ponude potencijalnih ponuđača te sačinila Zapisnik sa otvaranja ponuda od 10.01.2023.godine.

Ugovorni organ je ponuđačima NEXIS doo Sarajevo, INTER COM doo Zenica i ASCOM doo Tešanj elektronski dostavio Zapisnik o zaprimanju ponuda i Zapisnik sa otvaranja ponuda, a ponuđaču ITD doo Sarajevo dostavio akt broj:08-11-3-4547-11/22 od 10.01.2023. godine o povratu ponude uz neotvorenu ponudu u skladu sa tačkom 2.3. tenderske dokumentacije kojom je propisano da "Ponude koje budu dostavljene a tenderska dokumentacija ne bude preuzeta putem informacionom sistemu "E-NABAVKE" (što je vidljivo iz Izvještaja o preuzetim tenderskim dokumentacijama koji se skida sa informacionog

sistema "E-NABAVKE"), iste neće biti predmet postupka javne nabavke, iste će biti vraćene ponuđačima neotvorene, i smatrat će se kao da nisu ni pristigle", te u skladu sa članom 9. stav 1. Uputstva o uslovima i načinu objavljivanja obavještenja i dostavljanja izvještaja u postupcima javnih nabavki na portalu javnih nabavki (Sl.glasnik BiH broj:80/22).

Po prijemu akta broj:08-11-3-4547-11/22 od 10.01.2023. godine o povratu ponude potencijalni ponuđač ITD doo Sarajevo ulaže žalbu na isti i uz žalbu dostavlja Izvještaj o preuzimanju tenderske dokumentacije od strane registrovanih operatera od 12.01.2023.godine u 11:34 sati iz kojeg je vidljivo da je ponuđač u postupku broj: 375-7-1-282-3-96/22 preuzeo tendersku dokumentaciju dana 27.12.2022.godine u 08:59 sati, čime dokazuje da je tendersku dokumentaciju preuzeo sa Portala javnih nabavki. Istom žalbom traži od ugovornog organa da poništi postupak javne nabavke te pokrene novi postupak kako bi svi ponuđači imali ravnopravan status prilikom prijave u postupku javne nabavke.

Ugovorni organ je uvidom u komolet predmet utvrdio slijedeće:

- općina Tešanj je u Planu javnih nabavki za 2022.godinu pod tačkom 36. robe planirala nabavku "Bazne informatičke opreme", procijenjena vrijednost javne nabavke 30.000,00KM bez PDV-a uz planirano provođenje konkurentskog postupka. Plan javnih nabavki za 2022.godinu sa izmjenama i dopunama objavljen je na Portalu javnih nabavki.

- Postupak javne nabavke "Bazne informatičke opreme" prvi puta započeo je Odlukom o pokretanju postupka javne nabavke broj: 02-11-3-4089-2/22 od 14.11.2022.godine, postupak objavljen na Portalu javnih nabavki dana 18.11.2022.godine pod brojem:375-7-1-247-3-84/22, otvaranje ponuda zakazano za 12.12.2022.godine i iz Zapisnika o zaprimanju ponuda od 12.12.2022.godine vidljivo je da u tom postupku nije dostavljena ni jedna ponuda. Ugovorni organ je 13.12.2022.godine donio Odluku o poništenju postupka pod brojem:375-7-1-247-3-84/22 u skladu sa članom 69. stav 2. tačka a) Zakona o javnim nabavkama Bosne i Hercegovine ("Službeni glasnik BiH", broj: 39/14), jer nije u roku za dostavu ponuda pristigla ni jedna ponuda te je na Portal javnih nabavki u predmetnom postupku proslijedio izvještaj da je donesena odluka o poništenju postupka.

- Ugovorni organ je na osnovu novog zahtjeva nadležne službe zbog potrebe za predmetnom robom pokrenuo drugi put postupak nabavke, donio novu Odluku o pokretanju postupka javne nabavke "Bazne informatičke opreme", broj: 02-11-3-4547-2/22 od 19.12.2022.godine, postupak objavljen na Portalu javnih nabavki dana 21.12.2022.godine pod brojem:375-7-1-282-3-96/22, otvaranje ponuda zakazano za 10.01.2023.godine budići da je predhodni postupak javne nabavke poništen jer nije prispjela ni jedna ponuda dakle radi se o istoj nabavci "Bazne informatičke opreme" koja je planirana tačkom 36. Plana javnih nabavki za 2022.godinu.

Ugovorni organ je možda ponovni postupka nabavke broj: 375-7-1-282-3-96/22 pokrenuo odmah po poništenju postupka nabavke broj: 375-7-1-247-3-84/22 zbog potrebe ugovornog organa za predmetnom opremom ali na Portal javnih nabavki je unesen izvještaj da je u postupku koji je pokrenut pod brojem: 375-7-1-247-3-84/22 od 18.11.2022.godine donešena Odluka o poništenju postupka jer u istom nije dostavljena ni jedna ponuda za predmetnu robu.

Ugovorni organ u postupku je utvrdio da je kod pripreme Zapisnika o zaprimanju ponuda kao i Zapisnika sa otvaranja ponuda u pokrenutom drugom postupku nabavke "Bazne informatičke opreme", obavještenje o nabavci broj:375-7-1-282-3-96/22 od 21.12.2022.godine prije otvaranja ponuda (10.01.2023.godine) lice koje vodi postupke javnih nabavki sa Portala javnih nabavki dana 10.01.2023.godine u 09:14 sati povuklo Izvještaj o preuzimanju tenderske dokumentacije od strane ponuđača, za nabavku roba "Bazne informatičke opreme" te mu je sistem povukao Izvještaj o preuzetim tenderskim dokumentacijama za postupak broj: 375-7-1-247-3-84/22, a ne za postupak broj: 375-7-1-282-3-96/22. Naime radilo se o Izvještaju za postupak broj: 375-7-1-247-3-84/22 koji je poništen a koji se na Portalu javnih nabavki još uvijek vodi kao postupak u "toku" do isteka toka od 60 dana.

Ugovorni organ kod postupanja po ponudi ponuđača ITD doo Sarajevo to jest kod povrata neotvorene ponude ponuđaču je napravio previd, odnosno nije na Izvještaju o preuzimanju tenderske dokumentacije od strane ponuđača od 10.01.2023.godine u 09:14 sati uočio da se radi o Izvještaju koji se ne odnosi na postupak broj: 375-7-1-282-3-96/22 nego da se radi o Izvještaju koji se odnosi na postupak broj: 375-7-1-247-3-84/22. Ugovorni organ učinjenom greškom doveo je nenamjerno i nesvjesno neprihvatajući ponudu ponuđača ITD doo Sarajevo i vraćajući je ponuđaču neotvorenu sve ponuđače u zabludu i neravnopravan položaj u predmetnom postupku nabavke. Ugovorni organ bez obzira na

potrebe za predmetnom opremom ima potrebu a i zakonsku obavezu da postupak nabavke "Bazne informatičke opreme" broj: 375-7-1-282-3-96/22 otkaže, a čim se steknu uslovi odnosno usvoji Plan javnih nabavki za 2023.godinu a što se očekuje krajem januara 2023.godine pokrenut će novi postupak nabavke predmetne opreme.

Imajući u vidu sve navedeno u skladu sa članom 69. stav 3. Zakona o javnim nabavkama Bosne i Hercegovine ("Službeni glasnik BiH", broj: 39/14) ugovorni organ donio je odluku o otkazivanju postupka javne nabavke "Bazne informatičke opreme", kako je navedeno u tački I ove odluke.

**Pouka o pravnom lijeku:** Žalba na Odluku o otkazivanju postupka javne nabavke izjavljuje se URŽ- u putem ugovornog organa u roku od 5 dana od dana prijema Odluke, na način propisan Zakonom o javnim nabavkama Bosne i Hercegovine (Sl.glasnik BiH broj:39/14 i 59/22).

#### DOSTAVLJENO:

1. Ponuđači x4
2. Služba za finansije, privredu, inspeksijske i komunalne poslove općine Tešanj.,
3. Web stranica Općine Tešanj, elektronski
3. Predmet.

*Huskić*



